

Weitere Informationen

[www.i-camp.de](http://www.i-camp.de)

<https://www.facebook.com/SyrianDreamsProject>

سماح جعفر

August 3, 2011

حلمي وقعني من التخت

حلمت اليوم إني عم العب انا وحمزة الخطيب بمدينة ألعاب، وكنا بقلبية مكسوة. انا عم يدق راسي بالأرض وهو فوق. بعدين نزلنا. رحنا انا وابي واخي، وكان انطباعن غريب: في شي من الخوف والتمرد. مشينا بمدينة الألعاب. في عالم كانت عم تصلي بمكان لعب الاطفال بالطابات. بعدين كملنا مشي، فقررت فوت عالمام، وانفصل عن أهلي. وانا ورايحة صار واحد ولا وحدة، ما يعرف، صار يزت علي خناجر ورا بعض، بس ما صابني شي. صرت بغرفة ولسا عم يزت علي، فاحتميت بالباب. قام كسر ايد الباب، وانحبست بغرفة كثير صغيرة ومعتمة بس سقفها عالي. فجأة صارت كلا مي، وكنت عم اغرق واخنتق. شقيت اوعبي وكسرت الباب على امل المي تطلع كلا لبرا دفشة وحدة. علقت بدفعة المي وماكان يتحرك شي. قمت سبحت لفوق، لقيت كلو جثث اموات واشلاء. خفت وكملت سباحة. طلع ورايبي شبح بنت صغيرة شاحبة كثير وسألنتي وين شادي أبو فخر؟ وضلت تعيد السؤال. كملت سباحة بعدين لقيت حالي ببيتي وفي وحدة اخدت مكاني بالحياة قربت لأعرف مين هي يلي عملت فيني كل هاد. وقعت عن تختي وفقت